

سنه لکی در سعادت ایچون مجیده
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

تذکره محاکمه علییه

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

توجیهات

سینوب سنجانی بدایت محکمه سی جزا دائره سی
ریاستی بولی سنجانی بدایت محکمه سی مدعی عمومی
معاونی فتوتلو خالد بکه

سعد سنجانی بدایت محکمه سی مدعی عمومی
معاونلکی سینوب سنجانی بدایت محکمه سی مدعی
عمومی معاونی رفعتلو نشدت بکه

سینوب سنجانی بدایت محکمه سی مدعی عمومی
معاونلکی جبل برکت سنجانی بدایت محکمه سی
مدعی عمومی معاونی فتوتلو حسیب افندی به

جبل برکت سنجانی بدایت محکمه سی مدعی
عمومی معاونلکی خمس سنجانی بدایت محکمه سی
مدعی عمومی معاون سابقی رفعتلو ناشد افندی به
تفویض بیورلش ومومی الیهم ذاتاً محلف بولنشدر.

تجهیز و تحویل

بک اوغلی بدایت محکمه سی مقاولات محرر لکنه
برنجی محکمه تجارت اعضا ملازمی عزتلو عارفی بک
تعیین اولنش ومومی الیه ذاتاً محلف بولنشدر.

تبلیغات

«۴۶۲» نومرولی نسخه ده مندرج تمغا قانونندن
مابعد:

۳۴ — قیم املاک و بدل ایجاریک و ویرکولرک
تقدیر و تعدیلی حقننده علاقهداران طرفندن مراجعت
وقوعبولقسزین دوائر رسمیه جه کوریه جک لزوم
اوزربنه تنظیم اولنه حق راپور و مضبطه لر.

۳۵ — کفلانک اعتبارمالیسی مین شهادتنامه لر
ایله رسماً اجرا ایدیله جک معامله تصدیقه و کفلانک
درجه نروتنک یوقلمه سنه مخصوص اوراق.

۳۶ — اموال ایتم اداره سنجیه ایتمه ویریلان
فائض قوپونلریله محاکم شرعیه دن اعطا قلنان ادانه
حجتلرنده محرر کفالتر.

۳۷ — اموال ایتم صندوقلرندن ویریلان
نققلره عائد مقبوضلر.

۳۸ — مهاجرلرک مدت معافیت نظامیه لری
ایچنده مملکتلرنده کی اموال غیر منقوله لری حقننده
تنظیم ایتدیرجکلری وکالتنامه لر.

۳۹ — تقاعد صندوقلرنجه تنظیم اولنوب
متقاعدینه وایتم ازامله اعطا اولنان اوراق.

۴۰ — بالعموم متقاعدین و معزولین وایتم
وارامله تقاعد و معزولیت صندوقلرندن معاش
تخصیصنه دائر اولوب قرار قطعی بی حاوی اولمیان
مضبطلر ایله بشیوز غروش ویا اندن دون معاش
تخصیصی قرار قطعیسی متضمن اولان مضبطلر.

۴۱ — حق تقاعده مالک اولیان محتاجین
مأورینک ویا بونلردن وفات ایدنلر عائله لرینک ترفیه
واقدارینه دائر اولان مضبطلر.

۴۲ — باش چاوشه قدر عساکر شاهانه دن
سلاح آلتنده بولنان وعسکر اولوبده هنوز سلاح
آلتنه آلمیان وترخیص واستبدال ایدیلان و مأذون
بولنانلرک خصوصات عسکریه لری و معاشلری حقننده
کرک کندو طرفلرندن ویریلان کرک دوائر رسمیه جه

تنظیم ایدیلان وانلردن وفات ایدنلرک ایتم واراملی
معاشلرینه دائر کذلک تنظیم واعطا اولنان بالجله
اوراق ایله سلاح آلتنده بولندقلری ائشاده وفات
ایدنلرک وارنلرینک صفت وارنلرینی مصدق وراثت
حجتلری وکوکلو اوله رق سلک عسکری به داخل اولمق
ایستیانلر طرفندن اعطا ایدیله جک عرضحاللر ایله
اشبو عرضحاللر اوزربنه اجراسی لازم کلان معاملاته
متعلق اوراق.

۴۳ — باش چاوشه قدر عساکر شاهانه دن
سلاح آلتنده بولنانلرک مصالح ذاتیه لرینه دائر
ویره جکلری عرضحاللر.

۴۴ — باش چاوشه قدر افراد عساکر شاهانه به

اعطا اولنان علم و خبر و شهادتنامه و تصدیقنامه
وبیانشنامه لر.

۴۵ — سفرده بولنان عساکر شاهانه طرفندن
ویا انلر ایچون تودیع اولنان مبالغه مقابل پوسته لرجه
ویریلان مقبوضلر.

۴۶ — دوائر حکومت سنیه ایله بانک عثمانی
بیننده کی معاملات صرافیه به دائر اولان ویا مذکور
باقچه جه حکومت سنیه حسابنه تنظیم ایدیلان هر نوع اوراق
واعلانات ایله بانک حصه سنداتی و باققوططری.

۴۷ — ممالک شاهانه دخانلری مشترک المنفعه رژی
اداره سی شرطنامه سنک بشنجی ماده سنده کوستریلان
اوراق.

۴۸ — شرق تیموریوللری شرکتی شرطنامه سنک
یکرمی یدنجی ماده سنده محرر اوراق.

۴۹ — با فرمان عالی تمغارسمندن معاف طوتلش
اولان حصه سنداتی و تحویلات.

۵۰ — دول اجنبیه سفارت وقونسولوسخانه لرله
دیگردوائر رسمیه نک مهر ویا امضاسنی حاوی اولان
تقریر و علم و خبر واعلانلری وسائر اوراق رسمیه سی.

۵۱ — افراد طرفندن دول اجنبیه سفارت
وقونسولوسخانه لرنده عقد و تعاطی ویا مذکور سفارات
وقونسولوسخانه لرجه قبول اولنان و فقط دوائر
حکومت سنیه به ابراز ایدیلان اوراق.

۵۲ — اصلی قرق غروش ویا اندن دون مبلغ
ایچون اعطا قلنان هر نوع مقبوض و ابرا سندلری
ویوبلجی ویوبلجیره مخصوص اشیا بیلترلی وحساب
پوصله لری و فاطوره لر.

(سیغورطه لر متعلق ماده لر ایله بخش دردنجی ماده ده)
(بیان اولنان مقبوضلر بو معافیه داخل دکدر)

۵۳ — بش غروش ویا اندن دون اجرت استیفا سنی
مستلزم اولان نقلیه دائر هر نوع اوراق وسندات .

۵۴ — دوائر رسمیه جه نقل ایتدیریله جک
عساکر شاهانه و طلبه علوم واشخاص سائر ایله
نقود واشیانک نقلیه اجورانی ایچون قومبانیه واجتته لر
طرفندن ویریله جک مقبوضلر .

۵۵ — فروخت ویا قبول ویا خود بدلی تحصیل

مصدقہ سی حاجزان مرقومانک اقامتکاهلری مجهول بولنق حسبیلہ اصول محاکمہ حقوقیہ قانوننک یکریمی التبعی مادہ سنک فقرہ اخیرہ سی حکمنہ توفیقاً ۲۴ اغستوس سنہ ۳۲۱ تاریخندہ اعلاناً تبلیغی اجرا قلنمش وحکم اعلامک انفاذی مورتلر وکیل لازار اوغلی یورفاکی افندی طرفندن بوکره باعریضحال طلب ایدلمش اولدیغندن تاریخ اعلاندن اعتباراً طقسان برکون ظرفنده حاجز مرقومان دائره اجراده اثبات وجود ایله هجری فک ایتدیکی ویا قانوناً شایان قبول برجواب ویرمدکری تقدیرده حکم اعلامک اجرا و هجری موضوع مذکورک فک اولنه جققی مبین تنظیم قلنان اشبو اخبارنامه سالف الذکر اصول محاکمہ نک یکریمی التبعی واجرا قانوننک یکریمی طقوزنجی ماده لری موجبجه مرقومانه تبلیغ ایدلمش عید اولنق اوزره محکمه مذکورہ اجرا دائره سی دیوانخانہ سنه تعلیق اولدینی کی غرتله لده اعلان اولنور.

آسیه خانمک قهوه جی وصفی افندی ذمتده قرنال بدایت محکمه سی اعلامیه محکوم به الهجینی اولان مبالغ معلومه نک تأمین استیفاسی ضمننده مدیون مومی الیهک متوفی پدری محمد اغا ایله متوفاه والده سی اسماء خانمندن انتقال ایدوب هجری وفروختی قراره آلتنه النان قاسم باشاده سفری قوز محله سنک بکی چشمه جاده سنده کائن یوزی تخمیناً اون اوج ارشون اون درت پرمق ودرینلکی اون ارشون که من حیث المجموع تخمیناً یوز اوتوز بش ارشون یکریمی پرمقندن عبارت اوله رق برجانی آلتنده بری صغیر وکبیر درت اوطله مع صوفه وابدستخانه و دیگرکی اوج اوطله مع صوفه وابدستخانه و مطبخی مشتمل وارقه لرندہ تخمیناً یوز اوتوز بش ارشون باغچه محلی حای سکر نومرو ایله مرقم ایکی باب اخشاب خانه ده کی ثلث حصه شایعه لری لدی المزیاده بیک ایککیوزغوش التون ایچه بدل ایله طالبی عهده سنده تقرر ایدرک موقت قرار داده سی چکلمش اولدیغندن اشبو تاریخ اعلاندن اعتباراً اوتوز برکون ظرفنده لا اقل یوزده بش ضمیمه زیاده به طالب اولانلرک یوزده اون نسبتنده کی دیپوزیتو ایچه لری مستحجاً بک اوغلی بدایت محکمه سی اجرا دائره سنه مراجعت ایملری ومدت مذکورہ ختامنده یعنی شهر نیسانک اون ایککی صالی کونی ساعت طقوز راده لرندہ قرار داده قطعیه کشیده قلنق اوزره مذکور املاک پیشکاهنده مأموری مواجهه سنده حاضر بولنلری اعلان اولنور.

کراسته جی دیمتر بادیسک در سعادت پوسته خانه سی امانات موروده باش کابی عزتلو تحسین بک ذمتده بک اوغلی بدایت محکمه سی برنجی حقوق دائره سی اعلامیه محکوم به الهجینی اولان مبالغ معلومه نک تأمین استیفاسی ضمننده مدیون مومی الیهک والده سی صدیقه خانمندن انتقالی لازم کلان قاسم باشاده قولاقسر احمد قبودان محله سنک نعلینجی جاده سنده عرضاً یدی آرشون وطولاً سکر آرشون که بحساب تربیی تخمیناً الی التی آرشون عرصه اوزرینه مبنی ایکی قادن عبارت صغیر درت اوطله وایکی صفه و برقیو ومطبخی وآلتنده واقع التیش اوج نومرولی مقدما دکان والیوم بودرومی مشتمل بر باب اخشاب خانه لدی المزیاده سکر بیک غروش التون ایچه بدل ایله طالبی عهده سنده تقرر ایدرک موقت قرار داده سی چکلمش اولدیغندن اشبو تاریخ اعلاندن اعتباراً اوتوز برکون ظرفنده لا اقل یوزده بش ضمیمه طالب اولوب دها زیاده معلومات المقی ایستیانلرک یوزده اون نسبتنده کی دیپوزیتو ایچه لری مستحجاً بک اوغلی بدایت محکمه سی اجرا دائره سنه مراجعت ایملری ومدت مذکورہ ختامنده یعنی شهر نیسانک یکریمی التبعی چهارشنبه کونی ساعت سکر راده لرندہ قرار داده قطعیه کشیده قلنق اوزره سالف الذکر خانه پیشکاهنده مأموری مواجهه سنده حاضر بولنلری اعلان اولنور.

اذینه سنجانی بدایت محکمه سی اجرا دائره سنه : اذیمده واقع پرتو محمد پاشا جامع شریفنک دور خواننه ومدرسه سنک طعامیه سنه مشروط تقود موقوفه سنندن اولوب متولیه سی نافذ افندینک ایکی قطعه اعلام شرعی موجبجه اذیمده چقور باغ محله سی ساکنلرندن زنجی امین چاوش ذمتنده الهجینی اولان مبالغ معلومه نک تأمین استیفاسی چون مدیون مرقومک مالی اولوب متولی مومی الیه نزدندہ امانت اولان برجفت الماس کوبه وبرجفت الماس منکشه ایکده ویکریمی دیزی اینجونک بوکره هجری وفروختی قرارلشدیرلمش اولدیغندن تاریخ اعلاندن اوج کون صکره بالمزاید فروخت اولنه جی اذیمد سنجانی بدایت محکمه سی اجرا دائره سنندن اعلان اولنور.

اذیمده اطه لیلر چارشو سننده مقیم صراف آشیجان کرقرور افندینک اذیمدک قره تبه قریه سنندن جودار اوغلی واسیل ذمتنده برقطعه اعلام نظامی موجبجه الهجینی اولان مبالغ معلومه نک تأمین

استیفاسی چون مدیون مرقومک قریه مرقومه ده کوی اوستی موقعنده غرباً یول وغربدن شرقه طقسان یدی خطوه وشالندن جنوبه یوز یکریمی خطوه مسافنده اورمان ایله محدود ایکی دونمی حای برقطعه ترلا وینه قریه مرقومه ده واقع کوی الی نام موقعده کائن شرقاً اورنه کویلی السطاش وقره یانی باغچه سی غرباً بیوکدره شمالاً اوزوناکی بورغاکی ترلا سی وجنوباً شماله قدر اوجیوزاوتوز خطوه مسافه حالی جاللیق ایله محدود اون بش دونم دیگر برقطعه ترلانک بوکره هجری وفروختی قرارلشدیرلمش اولدیغندن تاریخ اعلاندن اون بش کون صکره بالمزاید فروخت اولنه جی اذیمد سنجانی بدایت محکمه سی اجرا دائره سنندن اعلان اولنور.

تکفور طاعی بدایت محکمه سی اجرا دائره سنه : خیره بولی قضاسنه تابع قلنجار قریه سنندن حاجی مصطفی اغا کریمه سی سعادت خانم ایله زوجی عجم عبدی اغانک تبعه ایرانیه دن در سعادتده مقیم حاجی سید حسن افندی به قضای مزبور بدایت محکمه سی حقوق دائره سنندن مصدق برقطعه صلحنامه ایله دینلری اولان اوتوز عدد لیرای عثمانینک تأمین استیفاسی ضمننده مدیون مرقومانک قریه مذکورہ جوارنده چشمه آرپه لری ایله آغیل اوکی وقوجه ترلا ده واقع اوج قطعه ده معلوم الحدود الی یوز کیله ترلالری اشبو اعلان تاریخندن اعتباراً اون بش کون صکره بالمزاید صایله جقندن اشتراسته طالب اولانلرک تکفور طاعی بدایت محکمه سی اجرا دائره سنه کللری اعلان اولنور.

اذینه قضاسی بدایت محکمه سی اجرا دائره سنه : اذینه قصبه سنک جامع کبیر محله سننده ساکن ایکن وفات ایدن قناریه اوغلی عارفک زوجیه سی محله مذکورده ساکنه عایشه خاتونه با اعلام شرعی محکوم به دینی اولان اوچبیک غروشک تأمین استیفاسی ضمننده متوفای مرقومک اموال متروکه سنندن محله مذکورده واقع طرفینی عبدالقادر خانه سی و دیگر طرفی روم اندریاورنه سی وبرطرفی بول ایله محدود آلت قانده براوطه واوست قانده دیوانخانه ومشمولات سائرہ نی حای بر باب خانه سی مزبوره طرفندن هجری الته الزهرق تاریخ اعلاندن اعتباراً اون بش کون صکره بالمزاید فروختنه تثبت اولنه جی اذینه قضاسی بدایت محکمه سی اجرا دائره سنندن اعلان اولنور.